

Oppalaččat

Buot vearromásit geat mearrideamis gáibidit gessosiid doallobiergasiid vuolidahttimis, galget deavdit skovi ja addit dan oktan vearrodieđáhusain.

Erenoamáš doallobiergasiidda el-fápmorusttegiin mat galget vuolidahttot lineáralaččat, vrd. vearrol. § 18-6, galgá dan sadjái atnit RF-1152 «Avskrivningsskjema for særskilte driftsmidler og påkostninger i kraftverk».

RF-1084 «Vuolidahttinskovi» galgá devdot vaikke realisašuvnnas dahje atnuivádimis šaddá negatiivva saldo a, b, c, d dahje j joavkkus. A, c, d dahje j saldojoavkku vejolaš negatiivva saldo galgá uhcimusat boahčoállit saldojoavkku vuolidahttinproseanttain. B saldojoavkku negatiivva saldo galgá sirdit vuoi- ja massinkontui. E, f, g, h, dahje i joavkku doallobiergasiid realisašuvnnas galgá vuoi- ja massin-meroštallat vuolidahttinskovi, ja vuoi- ja massin- sirdo vuoi- ja massinkontui. Skovi galgá deavdit vaikke saldo livččii vuoliduvvon 0:i, go doaimmas ain leat doallobiergasat.

Doallobiergasiid mat vuolidahttojit saldo- vuogádaga mielde, galgá meroštallat vuolidahttimiid doallobiergasiid saldoárvvu vuodul mii lea juohke boahtojagi loahpas. Goas jagis doallobiergasat lea háhkkon ii mearkaš maidige.

Lineára vuolidahttimiin galgá doallobiergasa álgoárvvu juohkit gessosiin luohhta nu guhká go biergasa navdá bistit. Jus objeakta lea háhkkon jagi mielde, de galgá jahkesubmi meroštallat gorálaččat (12 oasi) nu galle álggahuvvon mánnui go lea oamastan objeavtta jagi mielde. Vástideaddji vuolidahtto gorálaččat, jus objeakta realiserejuvvo boahtojagis. Geahča dárkilat 120 poastta mearkašumiin. Dárkilat dieđuide das guđe objeavttat galget dáid regeliid mielde vuolidahttot, geahča Skatte-ABC 2018/19 fáttá "Doallobierggas - ávnnaskeahtes (ii fysihkalaš) doallobierggas" 2.2 čuoggá "Gollohattis geasus".

Doallobiergasat bieggafápmorusttegiin háhkkon geassemánu 19.b. 2015 rájes gitta boahtojahká 2021, vuolidahttojit viđa jagis seamma stuorra jahkásaš supmiin, go proševtta bargu ii leat álggahuvvon geassemánu 19.b. 2015. Seamma guoská bieggafápmorusttega siskkáldas neahrtarusttegiid ja betongastealládhakii.

Vearrolága §§ 14-60 gitta 14-66 rádjai leat addon sierraregelat doallobiergasiid várás mat váldojit sisa ja olggos norgalaš vearu hanguvllus. Geahča dárkilat dáid regeliid

birra Skatte-ABC 2018/19 fáttás "Utland-driftsmiddel som tas inn i eller ut av norsk beskatningsområde".

Jus soapmásis leat eanet go guokte sierralágan saldo, de galgá skovi olgeš ravddas nummarastit skoviid ovttežis ja bajásguvlui.

Saldovuolidahttinjoavkkut

A, b, ja d joavkku doallobiergasat vuolidahttojit oktan juohke joavkkus.

C joavkku doallobiergasiid lea 2017 boahtojagi mađđásiin álggahuvvon vuolidahttinmearri gitta 30%:in guorbmebiillaide nollaluoitimiin oston maŋŋel 20.12.2016. Dát aliduvvon mearri guoská elbiillaide ja hydrogenbiillaide. Jus dus lea guorbmebiilla nollaluoitimiin galgá dán čállit sierra kolon nii dan skovis gos merkejuvvo ahte dat ali duvvon mearri lea geavahuvvon. Doallobiergasiid joavkkuid galgá sirret vearromásit juohke ealáhusa nammii, ja juohke gildii go seam ma ealáhus jođihuvvo mángga gielddas ja gullá báikái čatnasan vearuhusa regeliidda vearrolága § 3-3 mielde. Jus galget leat saldojoavkkut juohke gildii, danne go seamma ealáhus jođihuvvo mángga gielddas, de galgá skovvi devdot saldojoavkkuiguin dušše ealáhusgildii ja addat dán gieldda vearrokantuvrii. Gitta, teknalaš installašuvnnat mat gullet j jovkui, vuolidahttojit juohke viesu čoahtkesaldos. E, f, g, h ja i joavkku doallobiergasat čállojit sierra saldoi juohke doallobiergasa nammii

A joavku: kantormašiinnat js. (30 %)

A saldojovkui gullet kopijamašiinnat makulerenmašiinnat, báikkálaš telefonguovddážat, telefovnnaat earret giehta-telefovnnat, telefonvástideaddjit jna. Geahča vulobeale d saldojoavkku ráddjema ektui.

B joavku: háhkkon gávpeárvu (goodwill) (20 %)

Iežas barggu bokte čoggon gávpeárvvu ii sáhte vuolidahttit verolaččat. Jus háhkkon gávpeárvvu realiserejuvvo stuorát supmiin go saldoárvvuin mii lea háhkkon gávpeárvvu saldosa, ja máksu árvonjeido saldosa, de galgá dat negatiivva saldo mii de šaddá, sirdot vuoi- ja massinkontui (RF-1219). Dát guoská dallege go realisere iežas bargan gávpeárvvu, mas ii leat áshuvvon makkárga saldo b saldojoavkkus.

Massin vuolidahtto dábálaš vugiin gitta 20 % rádjai čuovvovaš jagiid lige galgga sirdot vuoi- ja massinkontui, geahča 108 poastta.

C joavku: goallosguorbmebiillat, guorbmebiillat, gálvobiillat js. (24 % / 30 %)

2017 boahtojagi mađđásiin lea álggahuvvon aliduvvon vuolidahttinmearri gitta 30%:in guorbmebiillaide nollaluoitimiin mat leat oston maŋŋel 20.12.2016. Dát aliduvvon mearri guoská elbiillaide ja hydrogenbiillaide. Jus dus lea guorbmebiilla nollaluoitimiin galgá dán čállit sierra kolon nii dakkár skovis gos merkejuvvo ahte dat aliduvvon mearri lea geavahuvvon.

C saldojoavku 24 % vuolidahttinmeriin sisttisoallá goallosguorbmebiillaide, guorbmebiillaide ja busiida, guorbmebiillaide (bensiidna/diesel ja hybridabiillaide), sáhttobiillaide ja biillaide lápmásiidda. Sáhttobiillaide oaivvilduvvojit biillat mat leat dohkkehuvvon, ja mat eanaš adnojit olbmuid sáhtosteamái. Dát maiddái siskkildit fievruid sáhtostit lápmásiid dainna eavttuin ahte fievrus lea lohpi dákkár sáhtosteamái. Tánkkabiillaide, suohpalastinbiillaide, betongabiillaide, loktárbiillaide ja hávdádanbiillaide sáhtta vuolidahttit gitta 24 % meriin.

Geahča vulobeale d saldojoavkku ráddjema ektui.

D joavku: personbiillat, tráktorat, mašiinnat js. (20 %)

D saldojovkui gullet visot gándimat mat eai gula eará saldojoavkkuide, omd. personbiillat, tráktorat, eará jorri mašiinnat ja ávdnasat, eará mašiinnat, bargoneavvut, instrumeanttat, latnjabiergasat jna.

Kombibiillaide logahallon biillatge fátmmas- tuvvojit d saldojovkui. Fievrut mat eai leat registreregeatnegasat, dahje maid lea lohpi geavahit dušše almmolaš geainnu olggobealde, gullet d jovkui. Seamma guoská fievruid maid ferte atnit ráhkadusmašiidnan, nugo geaidnofaskkonat, geaidnoválsat, dumpárat, mobilloktárat js.

Dát doallobiergasat gullet d jovkui eage a jovkui, vaikke dat livččege kantorlanjain jna.: Buhtistanbiergasat, steampalastindiimmut, alárbumaráhkanusat/ vákšunráhkanusat, TV-apparáhtat, videobiergasat, čájehanmašiinnat, govvidan- ja iđihanbiergasat, doavttir- ja bátnedoavttirreaidduid ja arkiteavttaid tevdnenmašiinnat.

Muhtin doallobiergasiid dáfus mearrida dat masa dat adnojit, gulletgo dat a vai d jovkui. Dát guoská omd. dihtoriidda. Jus dihtor gullá šearpmain, čálániiguin jna. adno dušše kantorguoski barggus, de lohko dat kantormašiidnan ja gullá a jovkui.

Jus dihtor adno dušše buvttadeapmái dahje eará kantorguoskkakeahtes bargguide, de

dat ii adno kanturmašiidnan muhto galgá vuolidahttot d saldojoavkkus. Jus dihtor adno sihke buvttadeamis ja kanturbarggus, de dat lohko kanturmašiidnan (a joavku) jus kanturatnu lea mearkkašahtti oassi.

E joavku: skiippat jna. (14%), f: girdit, helikopterat (12 %), g: el-fámu sirdin- ja juohkinrusttegat ja el-fápmofitnodagaid elektroteknalaš rusttegat (5 %) h: visttít ja ráhkkanusat jna. (4 %/10%/6%), ja i: gávpevisttít (2 %)
G saldojovkui gullet elektroteknalaš rusttegat eará doaimmas go el-fápmofitnodagas. Mearrideaddjin ii leat nappo mii doaimmas lea, ovdamearkka dihtii fámu dahje industriija buvttadeampi/ juohkin, muhto mii doallooapmi lea.

H saldojoavkku ráhkkanussan adnojit ee. teknalaš veahkke- ja lasseinstallašuvnnat industriijaráhkkanusain, maiddá buhtistan-ráhkkanusat, deaddoáibmoráhkkanusat, mearrapumparáhkkanusat, galmminhanráhkkanusat js. Ráhkkanusat maid atnuáigi/ bistináigi ii leat badjel 20 jagi, sáhttet vuolidahttot gitta 10 %. Juohke visti mas lea atnuáigi/bistináigi vuollii 20 jagi, sáhtttá vuolidahttot gitta 10 %. Šibitvisttít eana- ja vuovdedoalus (main lea badjel 20 jagi atnuáigi/bistináigi) sáhttet vuolidahttot gitta 6 %. Šibitvistin adno omd. návét, spiinnenávét, visti vuoncaide, vuoncáčivggaide, gálkonii js.

I saldojovkui gullet gávpevisttít. Gávpevistin oaivvilduvvo visti mii adno eanaš kantuvrraide, vuovdindoimbii ja bálvusaide earret idjadan- ja dárjjodandoimbii. Omd. buohcciviesut, mánáidgárdit, skuvllat, boarrásiid- ja buohccidruovttut jna. adnojit gávpevistin.

H ja i saldojovkui ferte viessosadjeárvu čuldojuvvot nu ahte ii šatta mielde vuolidahttinvuodui.

J joavku: gitta teknalaš installašuvnnat huksehusain (10 %)

Gitta teknalaš biergasat mat leat ovttaiduvvon huksehussii ja mat leat ávkin huksehusa oppalaš anolašvuhtii huksehusan, galget vuolidahttot sierra j saldojoavkkus juohke huksehusa čoahkkesaldos.

J saldojoavku siskkilda gitta teknalaš installašuvnna huksehusain, maiddá liggenrusttegiid, čoaskudan- ja galmminhanrusttegiid, el-fápmoráhkkanusaid, buhtesdoalloráhkkanusaid, vintaráhkkanusaid ja salla-saččaid, vrd. vearrolága 14-41 (1) j bustáva. J saldojoavku ii siskkil gitta teknalaš installašuvnnaid mat leat iehčanas rusttegat dahje installašuvnnat mat leat ovttaiduvvon rusttegis. Dát galget dan sadjái vuolidahttot oktan doallobiergasiiguin. Seamma guoská gándmiidda skiippain jna. Ovdamearkan fertejit teknalaš installašuvnnat buhtistanrusttegis mii lea sierra lokalitehta, vuolidahttot rusttegiid saldojoavkkus (h saldojoavku).

Doallobiergasat mat leat biddjon huksehusii eanaš dan guoski doaimma gálvvuid ja bálvusaide buvttadeami várás, eai galgga dábálaččat adnot visttis gitta teknalaš

installašuvnnaid. Dákkár installašuvnnaid ferte baicce juogo čujuhit vistti saldoi, atnit iehčanas rusttegin, dahje mašiidnan.

Erenoamážit mo skovis geavahit ovdamerkestagaid

Visot logut čállojit ovdamerkestaga haga go boahá ovdan čilgehusteavsttas dahje lea ovdagihit deaddiluvvon. Ovdamerkestat galgá adnot dušše jus logus galgá leat nuppegežiid váikkuhus das mii boahá ovdan čilgehusteavsttas dahje lea ovdagihit prentejuvvon.

Aiddostahttimat

Jus muhtin sadjái lea ovdagihit jo prentejuvvon ovdamerkestat (positiiva dahje negatiiva), de čáladieđihuvvo lohku ovdamerkestaga haga. Ovdamerkestat adno dušše dalle, go háliida čáladieđihit logu mas lea nuppegežiid ovdamerkestat go mii ovdagihit lea prentejuvvon. Supmiin ja boadussajiin adno álo minusmearka go submi lea negatiiva.

Skovi iešgudet poasttat

100 poasta

Ovttasoamasteaddji ovttasoamastusas oktan bruttomearridemiin, gii áigu vuolidahttit epmolaš juogadasas doallobiergasiin, merkesta dasa jo.

101 poasta

Dása čállojit iešgudet saldojoavkkut. Rubrihka vuosttaš oassái merkesta juohke saldo nummariin, dahje joatká manjimuš jagi nummariin guoski saldoi. Buot saldoin bissot seamma nummarat jagis jahká. Jus leat eanet go guokte sierralágan saldo, de jotko nuppi skovvá man merke guvtežiin skovi olgešbeale badjeravdii (nammasaji bajábealde). Dasto galgá merket man jovkui saldo gullá, ja válljejuvvon vuolidahttinmearki galgá almmuhuvvot.

2017 boahtojagi mađđásiin lea álggahuvvon aliduvvon vuolidahttinmearki gitta 30 %:in guorbmeillaide nollaluoitimiin mii lea ostton manjmel 20.12.2016). Dát aliduvvon mearki guoská el-biillaide ja hydrogenbiillaide. Jus dus lea guorbmeilla nollaluoitimiin galgá dán čállit sierra kolonniin dan skovis gos merkejuvvo ahte dat aliduvvon mearki lea geavahuvvon.

Makkár ealáhus lea, galgá almmuhuvvot jus 110 poastta lohku galgá sirdot njuolga vearrodieđáhussii.

«Sirdo» rubrihkas galgá mearridit guđe skovvá 110 poastta lohku galgá sirdot. Jus saldo gullá doallobiergasiidda dakkár ealáhusas mii ain doaimmahuvvo, de sirdo submi Ealáhusdieđáhusa 1 (RF-1175) 6000 (dahje 3895) postii dahje Ealáhusdieđáhusa 5 (RF-1368), dahje Govvadáiddáriid ealáhusdieđáhusa (RF-1242) II kolonna 3.01, 3.02 dahje 3.03 postii. Ovttalbmotfitnodahkii mii lea luvvejuvvon ealáhusdieđáhusa addimis, galgá submi leat mielde vearrodieđáhussas doallogoluid supmis. (Geahča vearrodieđáhusa bagadusas dárkilat ahte guđe ovttalbmofitnodagaide dát guoská).

Jus fitnodat datte addá Ealáhusdieđáhusa 2 (RF-1167), ealáhusdieđá hus 4 bánjkuide, ruhtadanfidnuide jna. (RF- 1173), Ealáhusdieđáhusa 6 heaggadáhkádusfidnuide, penšunkássaide (RF-1501) dahje Ealáhusdieđáhusa 7 vahátdáhkádusfidnuide (RF-1503) de ii galgga 110 poastta submi sirdot ealáhusdieđáhussii. Dáid ealáhusdieđáhu- said boadusrehketdoalu vuolidahttimat divvojit Spesifikasjon av forskjeller mellom regnskapsmessige og skattemessige verdier (RF-1217) 3 poastta bokte.

Jus ealáhus lea loahpahuvvon, iige addo ealáhusdieđáhusa (iige personboadu meroštallanskovvi), de galgá submi sirdot njuolga vearrodieđáhussii. Dáid háviid ferte bagadit galgá go submi vearuhuvvot personboahatun vai ii. Jus saldo boahá loahpahuvvon ealáhusa doallobiergasiin, de galgá mearriduvvot personboahatu 110 poastta boahočállimis. Vearrodieđáhussas galgá dalle dáid poasttaid atnit: Personboadu čállá 1.6.1/1.6.2 postii, dan duohken makkár ealáhusas doallobiergas lea vuolga- huvvon. Guolástus ja bearašmánáidgárdi atnet 1.6.1 poastta, ja eará ealáhusat (oktan eanadoaluin ja vuovdedoaluin) atnet 1.6.2 poastta. Dasto čállo submi juogo dábálaš boahatun 3.1.12 postii (negatiivva saldo boahočállin) dahje 3.3.7 postii (positiivva saldo geasusčállin).

Jus saldovuolidahttin galgá sirdot gidodaga láigoheami jna. skovvá (RF-1189) de devdo «eará» «sirdo» rubrihkii. Seamma guoská jus áigu sirdit saldovuolidahttimiid mearriduvvon biillii mii adno bálkábarggus. Dalle ferte saldovuolidahttin sirdot biilaskovvá (RF-1125).

102 poasta

Dán postii čállo ovddit jagi 31.12.2016. Dát dáid postii dahje negatiivva saldo. Submi sirdo diimmá vuolidahttin skovi (RF-1084) 111 poasttas.

2017 boahtojagi mađđásiin lea álggahuvvon aliduvvon vuolidahttinmearki gitta 30 %:in guorbmeillaide nollaluoitimiin. Dát aliduvvon mearki guoská el-biillaide ja hydrogenbiillaide. Jus dus lea guorbmeilla nollaluoitimiin galgá dán čállit sierra kolonniin dakkár skovis gos merkejuvvo ahte dat aliduvvon mearki lea geavahuvvon.

103 poasta

Dihto háviid galgá saldo vuolidahttot doallobiergasa njeidon árvvuin. Dat sáhtttá leat dalle go:

- gávpevisti ii šat leat vuolidahttinvuloš go dat láigohuvvo ássandállun
- doallobierggas galgá sirdot saldoss nubái seamma ealáhusas, omd. go ráhka-da vistái juhkosiid dahje go atnigoahá industriijavistii gávpevistin
- doallobierggas sirdo ealáhusaid gaskka mat leat iešgudet gielddas
- vearromáksi sirdo doallobiergasa beallelašii juogo beallelaš ealáhusa atnu dahje oktasaš árbeopmodaga juohkima dihtii sierraneamis/earraneamis
- doallobierggas duoguštuvvo go lea

- adnon ránggástanvuloš dagus
- doallobiergasat sirdojit persovnnalaččat jođihuvvon fitnodagas oasusfidnui njeidon árvui
- doallobiergasa epmolaš juogadas vuvdo
- doallobierggas sirdo seamma konsearnna fidnus nubbái vearrolága § 11-21 mielde.

Njeidon árvvu galgá álo meroštallat čuoldinjagi ođđajagimánu 1.b. saldoárvvu vuodul, oktan vejolaš goasttidemiiguin mat leat dahkkon ovdal dan dáhpáhusa man geažil čuldojuvvui. Dihto háviid boahhtá njeidon árvu iešalddes, ee. dalle go:

- saldosa lea dušše okta doallobierggas
- saldo masa doallobierggas lea čállon lea árvonjeidon 0 kruvdnui
- buot saldo doallobiergasat sirdojit dahje epmolaš juogadas buot doallobiergasiin sirdo. Njeidon árvu lea dalle saldoárvvu dahje dan gorálaš juogadas
- saldo lei 0 kr go doallobierggas čállui saldoi eaige saldoi leat dan maŋŋil biddjon eará doallobiergasat. Doallobiergasa njeidon árvu šaddá dalle luohhta saldoárvvu.

Eará háviid ferte gávnnaht mii lea njeidon árvu ovttá dahje eanet doallobiergasiin, mat gullet saldoi ovttas daid doallobiergasiiguin mat ain galget leat saldosa. Jus vearromáksi lea čállán dievas vearroréhketdoalu juohke doallobiergasa nammii, de biddjo vuodđun dat njeidon árvu mii dán rehketdoalus ovdanboahhtá. Jus ii leat diekkár rehketdoallu, de sáhtá njeidon árvvu meroštallat go juohká saldoárvvu gorálaččat doallobiergasiid vuovdinárvvu vuodul. Huksehusaid juohkimis biddjo láigoárvvu vuodđun.

Čuldojuvvon oasi njeidon árvu dat galgá čállot 103 postii ja gessot ovdal go gávnnaha jagáš saldovuolidahttimiid vuodu. A – d ja j saldojoavkku doallobiergasiidda galgá čuldojuvvon doallobiergasis dušše meroštallat njeidon árvvu mii čállo 103 postii, jus ii leat ožžon mávssu jna. mii galgá árvonjeidot doallobiergasis. Dat lea omd. dalle go vearromáksi sirdá a - d ja j saldojoavkku doallobiergasiid nuppi ealáhusas nubbái. Dalle galgá njeidon árvu čállot vástideaddji saldojoavkku skovi 104a postii dan nuppi ealáhusas.

E – i saldojoavkku doallobiergasiid čuldojuvvon oasi njeidon árvvu, galgá álo meroštallat ja čállit 103 postii. Jus doallobierggas ain galgá vuolidahttot, go dat omd. sirdo saldojoavkkus nubbái, de čállo 104a árvu dan ođđa saldojoavkku. Jus doallobierggas ii šat galgga vuolidahttot, de galgá 103 postii čállon supmi sirdot sierra saldosa vuotomeroštallama várás. Vejolaš máksu dahje buhtadus jna. čállo dás 106 postii. Muđui čujuhuvvo 106 – 108 poasttaid bagadussii.

104a poasta

Dása čállo boahtojagi mielde háhkkon doallobiergasiid gollohaddi. Doallobiergasat mat leat bistevaččat ja

mearkkašahtti, galget aktiverejuvvot ja saldo vuolidahttot. Doallobierggas adno bistevažžan go háhkamis navdá das leat uhcimusat 3 jagi atnuáigi. Doallobierggas adno mearkkašahttin go gollohaddi lea 15 000 kr dahje eanet, oktan lassiarvovivadiin jus ii leat geasuvuoigatvuohta. Huksehusaide maid lea háhkan boahtojagi siste, galgá gollohaddi juhkkujuvvot gaskal huksehussaldo ja j saldo gitta, teknalaš installašuvnnaid.

104b poasta

Dálá dahje ođđaháhkkon doallobiergasiid goasttidemiid čállojit dása ollisin. Mátasatnu sáhtá čállot njuolga gollun. Jus vearromáksi vállje aktiveret stuorát mátasatnogoluid, de ferte dan čilget dárkilat. Goasttidemiide dakkár huksehusaide mat leat háhkkon boahtojagi siste, galgá gollohaddi juhkkujuvvot gaskal huksehussaldo ja j saldo gitta, teknalaš installašuvnnaid.

104c poasta

Dán postii čállo vuottus dat oassi mii šaddá e, f, g, h, i dahje j joavkku doallobiergasiid eaktodáhtohis realisašuvnnas, mii adno ođđasinvesteremii vearrolága § 14-44 (4) lađđasa mielde, vrd. § 14-70.

104d poasta

Almmolaš doarjagat galget árvonjeidot gollohattis earret dat investerendoarjagat guovlluide mat leat Gonagasa addán lánkaásahusa mielde.

104e poasta

Lassiarvovivatlága § 9-2 mielde sáhtá muddet boahtti lassiarvovivada kapitálagárvvuide jus kapitálagárvvu ja dan divatgeatnegas doaimma gaska-saš oktavuohhta nuppástuhtto maŋŋil go kapitálagárvvu lea oston, ja muhtin áiggi ovddasguvlui. Dán postii čállo gollohatti rievdan boahtti lassiarvovivatmuddema geažil lassiarvovivatlága mielde.

106 poasta

A, b, c, d dahje j joavkku doallobiergasiid realiseremis ja atnuváldimis sáhtá mávssu/ vuovdinárvvu ollásit dahje belohahkii vuolidahttit dan joavkku saldosa, dan sadjái go dan boahtočállit. Dat gusto vaikke saldo šaddáge negatiivan. E, f, g, h ja i joavkkuid doallobiergasiid realiseremis galgá meroštallat vuottu/massima. Dasge sáhtá váldit mávssu jna. ollásit dahje belohahkii boah-tun. Vuottu/ massima meroštallamis ferte de váldit vuhtii dan mii njuolga boahtočállo.

Jus realisašunmáksu guoská aktiivvaidege mat eai leat saldoi čállon, omd. go lea vuovdán viesu viessosajiin, de ii galgga dása čállit mávssus dan oasi, mii gusto viessosadjái, muhto čuoldit sierra vuotomeroštallamii. Máksu mii čállo 106 postii, galgá danne guoskat dušše doallobiergasiidda mat leat saldosa realiserujuvvon.

Doarjja mii lea addon háhkamiidda guovluin Gonagasa addán lánkaásahusa mielde, adno oassin buhtadusas realiseredettiin doallobiergasa viđa jagi siste maŋŋil go dan lea háhkan

107 poasta

Dása čállo mávssus jna. dat oassi (gálvo-johtoárvu atnuváldimis) mii čállo njuolga boahkun realisašunjagis vearrolága § 14-44 (1) mielde, ja mii ii galgga váikkuhit jagáš saldovuolidahttima, boahtočállima iige vuoto- ja massinkontui sirdima vuodu.

108 poasta

Dás boahhtá ovdan jagáš vuolidahttimiid vuodđu. A, c, d dahje j saldojoavkku doallobiergasiin oidno dás maiddá vejolaš negatiivva saldo. Seammas guoská b saldojoavkku negatiivva saldoi mii lea šaddan 2018:s. A, c, d dahje j saldojoavkku galgá diekkár negatiivva saldo čállot boahkun realisašunjagi rájes, dakkár juogadasain mii uhcimusat vástida joavkku vuolidahttinmearrái. B joavkku negatiivva saldo galgá sirdit vuoto- ja massinkontui. Dat guoská dan negatiivva saldoige mii lea šaddan go lea mávssuin árvonjeidán čoggon gávpeárvvu. A, b, c, d dahje j saldojoavkku guoros positiivva saldo galgá vuolidahttot dábálaš vuogiin joavkku eanemustá vuolidahttinmeriin. E, f, g, h dahje i joavkku doallobiergasiid realisašuvnnas dahje atnuváldimis boahhtá vuoto dahje massin dábálaččat ovdan dáikko. E, f, g, h dahje i joavkku doallobiergasiid vuoto/ massin ja b joavkku negatiivva saldo, galgá sirdot 109 postii ovdal go dat sirdo vuoto- ja massinkontui, dahje sierra vuotomeroštallamii.

Ovdal 1.1.1984 háhkkon gávpevisttiide šaddá verolaš álgoárvun vuovdináiggi saldoárvu oktan vuolimusa vuolidahttinrájá gessosiin.

E, f, g, h, i dahje j joavkku doallobiergasiid vuottus eaktodáhtohis realisašuvnnas, nugo omd. buollima dahje eará lihkohisvuodá, dahje bággolonisteamii jna. geažil, sáhtá gáibidit evttolaš vearroluvvema vearrolága § 14-44 (4) mielde, vrd. § 14-70, geahča 104c poastta.

109 poasta

Submi mii galgá sirdot vuoto- ja massinkontui sirdo dása 108 poasttas. Vuoto čállo dása positiivva ovdamerkestagain ja dasa lasihuvvo vuotosubmi 108 poasttas mas dat lea vástideaddji negatiivva submiin. Massimis čuožžila nuppelágan dilli. 111 poastta submi/erohus lea sihke vuoto- ja massindilis 0 kr. Go realisere gávpevistti mii lea háhkkon ovdal 1.1.1984, de galgá vuottu/ massima meroštallamis mii galgá sirdot vuoto- ja massinkontui, váldit vuhtii vuolidahttima vuolimusa rájá 115 poasttas. «Massin» mii boahhtá ovdan doallobiergasa atnuváldimis, ii leat dábálaččat geasuvuoigaduvvon, iige galgga sirdot vuoto- ja massinkontui.

110 poasta

Dása čállo jagáš saldovuolidahttin. Dása čállo boahkun a, c, d dahje j saldojoavkkuid negatiivva saldoga uhcimusat joavkku vuolidahtton meriin. Báhcán positiivva saldo vuollil 15 000 kr sáhtá čállot ollásit

geasusin. Báhcán negatiivva saldo vuollil 15 000 kr galgá čállot ollásit boahtun.

1.1.1984 háhkkon gávpevistti gitta, teknalaš installašuvnnaid realisašuvnna oktavuodas, j saldojoavku, galgá vuoitus uhcimustá 10 % boahtun čállot jus šaddá negatiivva saldo. Jus vuoiu lea vuollil 15 000 kr, de galgá olles submi boahtun čállot.

Ovdamearka

Saldovuodđu (105 poasta) lea 320 000 kr, ja vuolidahttima vuolimuš rádjá lea 280 000 kr (115 poasta). Verolaš vuolidahtton árvu lea de 40 000 kr. Jus gitta, teknalaš installašuvnnaid mávssu juogadas lea 65 000 kr, de šaddá verolaš vuoitun 25 000 kr. Uhcimustá boahčoállin dás šattašii 25 000 kr vuoitus 10 %, namalassii 2 500 kr 110 postii.

Mo sirdit eará skoviide, geahča 101 poastta.

111 poasta

Dás boahhtá ovdan dán jagáš 31.12 báhcán positiivva saldo, mii galgá sirdot boahhte jagáš vuolidahttinskovi 102 postii. Seamma guoská a, c,d ja j joavkku báhcán negatiivva saldoi.

113 – 115 poasta

Dása čállojit dieđut gávpevisttiid birra mat árvoloktejuvvojedje 1.1.1984 Finánsadepartemeantta borgemánu 29.b.1984 lánkaasahusa § 1-2 mielde.

2 siidu

120 poasta

Jus leat mánga háldooami mánggalágan bistinagiin, de berre addit ovtta skovi juohke háldooami nammii.

Kolonnas 1 nummarasto objeakta. Seamma nummarat adnojit jagis jahkái.

Kolonnas 2 almmuhuvvo makkár ealáhusas objeakta adno.

Kolonnas 3 almmuhuvvo/čilgejuv vo dat doallobierggas dahje eará objeakta man árvu vuolidahtto lineáralaččat vearrolá ga olis. Jus leaš goasttideapmi, de dat čállo

bođuid sierra linjái ja seamma nummariin go doallobiergasis masa goasttideapmi laktásuvvo. Dása sáhttet ovdamearkkat leat goasttideami láigolanjaide dahje pateanta vuoiगतvuodáide.

Kolonnas 4 almmuhuvvo háhkanjah ki/ goasttidanjahki.

Kolonni 5 čállo galle jagis objeakta vuolidahtto. Vástideaddji gusto manjit jagiid goasttidemiide. Goasttideami bistináigi gártá leat objeavtta báhcán bistináigin. Jus goasttideapmi dagaha lasi bistináiggi, de galgá dát govviduvvot álgoobjeavtta bistináiggis.

Geahča vulobeale ovdamearkkaid goas goasttidemiid bistináigi ii nuppástuvvo, ja goas goasttideapmi lasiha bistináiggi.

Kolonni 6 čállo álgogolohaddi. Lassin čállojit goasttideamit sierra linjái seamma nummarastimiin go objeakta.

Kolonni 7 čállo diimmáš 31.12. árvonjeaidin.

Kolonnas 8 galgá jagáš vuolidahttin boahhtit ovdan.

Kolonna 9 galgá čájejit 31.12. njeidon árvvu, namalassii manjil jagáš vuolidahttimiid.

Ovdamearka goasttideamis. Objeavtta lea háhkan 1. jagi 1.1. mas lea 100 000 kr gollohaddi. Das lea vihtta- jagi bistináigi ja vuolidahtto 20 000 kr juohke jagi.

3. jagi 1.7. lea das goasttideapmi 40 000 kr. a) Meroštallat goasttideami vuolidahttima váikkuokeahhtá bistináiggi goasttideamis.

Sierra linjás kolonnas 4 čállo guđe jagi lei goasttideapmi. Doallobiergasis lea báhcán bistináigi golbma jagi. Goasttideapmi ii váikkuo doallobiergasa bistináiggi, ja čállo golbma jagi kolonnii 5.

Kolonni 6 čállo dat submi mii lea objeavtta goasttideamis, dán vuoru 40 000 kr, muhto go goasttideapmi lea gasku jagi, de goasttidanjagis vuolidahtto dušše guhtta mánu.

Vai gávnašii rivttes vuolidahttinuupmi, de galgá meroštallat man olu lea mánnosaš vuolidahttin. Meroštallama vuodđun lea doallobiergasa báhcán bistináigi das rájes go goasttideapmi lea gergon. Dán háve lea 30 mánu (12 mánu x 2 jagi) + 6 mánu.

Goasttideapmi vuoliduvvo goasttidanjagi 7 999 kr ((40 000 kr/30 mánu) x 6 mánu). Submi čállo kolonnii "Jagáš vuolidahtti mat (dahje gollojuohkin)"

Doallobiergasa ollislaš vuolidahttin oktan goasttidemiin gártá goasttidanjagis (doallo biergasa 3. jagis) 27 999 kr (20 000 kr + 7 999 kr).

4. ja 5. jagis gártet ollislaš vuolidahttimat 35 996 kr (20 000 kr + 15 996 kr).

b) Meroštallat vuolidahttima goasttideamis mii dagaha ahte doallobiergasis lasihuvvo bistináigi.

3. jagis goasttiduvvo 40 000 kr ovdas. Goasttideapmi navdo lasihahttit doallobiergasa bistináiggi golmmain jagiin. Dán geažil soaitá bistináigi dál lasihuvvo golmmain jagiin ja doallobiergasa bistináigi mii lei vihtta jagi lasihuvvo golmmain jagiin lea oktiibuot gávccii jagi. Jahkásaš vuolidahttimat galget govvidit lassi bistináiggi.

Kolonnas 5 galgá doallobiergasa bistináigi molsojuvvot gávccii jahkái. Goasttideamis lea guhtta jagi bistináigi, mii čállo sierra linjái vidát kolonnas..

Kolonnas 6 čállo dat submi mii lea objeavtta goasttideami ovdas (40 000 kr).

Go goasttideapmi lea gasku jagi, de goasttidanjagis vuolidahtto dušše guhtta mánu.

Vai gávnašii rivttes vuolidahttinuupmi, de ferte meroštallat man olu lea mánnosaš vuolidahttin. Doallobiergasa báhcán bistináigi lea vuodđun das rájes go goasttideapmi lea gergon. Dán háve 66 mánu ((12 mánu x 5 jagi) + 6 mánu).

Goasttideapmi vuoliduvvo 1. jagi 3 636 kr ((40 000 kr/66 mánu) x 6 mánu).

Go goasttideapmi lea lasihahttin doallobiergasa bistináiggi, de doallobiergasa báhcánsaldo galgá juogaduvvot báhcán lassi bistináigái (vihta jagi).

Objeavtta vuolidahttin oktiibuot oktan goasttidemiin lea goasttidanjagis (doallobiergasa 3. jagis) 13 632 kr (9 966 kr + 3 636 kr).

4. gitta 8. jahkái leat vuolidahttimat oktiibuot 17 268 kr (9 966 kr + 7 272 kr).

Poastta 120 galgá atnit gollojuohkimiige go oastá mearkkašahtti olu bohccuid ja návddiid. Dákkár ealliid oastingoluid badjel 15 000 kr árvvuin galgá aktiveret ja juohkit gitta golbma boahtojahkái bohccuid ovdas, ja gitta vihtta boahtojahkái návddiid ovdas.

Poastta galgá atnit gollohatti vuolidahtti miiddage áigeráddjejuvvon guolástus vuoiगतvuodain nugo strukturieriide ja ovttadeteriide.

Mo eará almmolaš orgánat geavahit RF-1084 skovi dieđuid

Ealáhusdieđáhusaid addima ovttasordnemii ja álkidahttimii, sáhttet almmolaš orgánat, main lea vuoiगतvuodta viežžat seammá dieđuid go mat leat Saldo- ja lineára vuolidahttimiid skovis, RF-1084, geavahit dieđuid ollásit dahje belohakkii, vrd. Dieđáhusregistarlága §§ 5 ja 6. Vejolaš ovttasordnema birra oaččut dieđuid go gulaskuttat Dieđáhusregistariin tel 75 00 75 00, dahje Vearrodirektoráhtain tel 800 800 00.